



CERTIFICACIÓN

D. Francisco Javier Novoa Juiz, secretario do Concello de Vimianzo, agás erro ou omisión involuntaria, **CERTIFICO** o acordo que deseguido transcribo:

“ACORDO DA XUNTA DE GOBERNO LOCAL

A Xunta de Goberno Local do Concello de Vimianzo, en Sesión Extraordinaria do luns 13 de febreiro de 2023, aprobou o seguinte ACORDO:

1º.- Aprobación das bases reguladoras do concurso de disfraces do entroido 2023.

Dáse conta da proposta da Alcaldía de data 10 de febreiro de 2023, que se transcribe literalmente:

“PROPOSTA DE ACORDO

BASES REGULADORAS DO CONCURSO DE DISFRACES DO ENTROIDO 2023

Visto o expediente tramitado a proposta de Alcaldía para a aprobación da convocatoria concurso de disfraces de Entroido 2023.

Visto o informe favorable de intervención con data de 10 de febreiro de 2023.

Visto que consta no expediente documento de retención de crédito. Nº OPERACIÓN: 92/2023 – 220230000515.

De acordo co artigo 11 da Ordenanza Xeral de Subvencións e considerando a atribución concedida a alcaldesa polo artigo 21.1 da Lei 7/85, de 2 de abril, Reguladora das Bases de Réxime Local (LBRL).

Visto canto antecede, esta Alcaldía realiza a seguinte **PROPOSTA**:

Ao abeiro da Lei 38/2003, do 17 de novembro, xeral de subvencións, e da Ordenanza xeral de subvencións do Concello de Vimianzo, o concurso de disfraces de Entroido 2023, rexeráse polas seguintes normas:

1º.- Obxecto.

É obxecto o premiar aos mellores disfraces individuais infantís e adultos, de parellas, grupos e comparsas que se presenten ao concurso, que se celebrará o día 18 de febreiro de 2023 na Praza do Concello de Vimianzo..

2º.- Importe e aplicación orzamentaria.

O importe ascende a 2870 euros, que se imputarán á aplicación orzamentaria 338 48105 (Promoción da Cultura. Concurso Entroido).

3º.- Requisitos dos participantes.

Establécense as seguintes categorías no concurso:



1. **COMPARSAS:** agrupación formada por un mínimo de vinte (20) compoñentes, que garden unha unidade temática, e que desfilen ou realicen algunha actuación, ben sexan coplas, bailes ou representacións.
1. **GRUPOS:** agrupación formada por un mínimo de tres (3) e un máximo de dezanove (19) compoñentes, que garden unha unidade temática, e que desfilen ou realicen algunha actuación, ben sexan coplas, bailes ou representacións.
2. **PARELLAS:** agrupación formada por dous (2) compoñentes, que garden unha unidade temática entre os dous compoñentes.
3. **INDIVIDUAIS INFANTÍS :** participantes menores de 16 anos que concursen individualmente. (a solicitude deberá presentala unha persoa adulta responsable do menor).

Deberá elixirse só unha das categorías, de xeito que un mesmo disfrace non poderá participar noutras categorías. De detectar esta situación eliminarase da categoría individual.

En caso de que ao cubrir o formulario se marcasse a categoría equivocada, atribuiráselle de oficio a que lle corresponda.

4º.- Características e limitacións dos disfraces.

Non se permitirá o acceso á praza de vehículos, plataformas, carrmatos ou similares.

Non poderán utilizar ningunha substancia que poida ser inflamable ou perigosa.

Non poderán participar no concurso aqueles disfraces que xa participaran en edicións anteriores.

Cada participante só poderá presentarse a unha categoría do concurso.

Poderán ser excluídos disfraces que pola súa temática ou elaboración podan resultar vexatorios ou discriminatorios, a criterio do órgano convocante.

5º.- Inscripcións.

As inscricións deberán facerse no formulario que se publicará na web municipal e deberán presentarse:

-A través da Sede Electrónica Municipal

-Presencialmente no Rexistro do Concello, Praza do Concello, número 6.

O prazo de presentación iníciarase o día seguinte á publicación do anuncio da convocatoria no BOP e rematará o día 16 de febreiro de 2023, ata as 14:00horas.

No caso de que unha persoa presente por erro varias inscricións na mesma categoría, darase por válida a última presentada.

En caso de inscrición de parellas, grupos e comparsas os datos que deban constar na solicitude serán os dun membro do grupo, que se considerará representante do mesmo a todos os efectos.

Si se presentan a través de asociacións deben acreditar o poder de representación.



En función da orde de inscrición asignaráselles aos solicitantes un número de dorsal para a orde no pasarrúas e nas actuacións. O dorsal deberá ser recollido polo solicitante ás 17 h na praza do Concello.

A participación do concurso levará implícita a aceptación das bases.

6º.- Procedemento de concesión

O procedemento de concesión é de concorrencia competitiva, entendendo como tal aquel procedemento mediante o cal a concesión de subvencións realízase mediante a comparación das solicitudes presentadas nos termos 22.1 da Lei 38/2003, do 17 de novembro, Xeral de Subvencións.

7º.- Desenvolvemento do concurso.

O concurso terá lugar o día 18 de febreiro ás 17 h. na Praza do Concello.

As comparsas e grupos deberán estar na Praza do Concello ás 17.00 h para proceder ao pasarrúas pola vila que finalizará na mesma praza, lugar onde terá lugar o concurso de disfraces diante do xurado. É obrigatorio a participación no desfile para poder participar no concurso.

O número do dorsal que lle fora asignado determinará a orde no pasarrúas pola vila e no concurso de disfraces.

Os/as participantes que necesiten música deberán entregarlle á organización, como moi tarde antes do inicio do pasarrúas.

O tempo máximo de duración da actuación no concurso será de 10 minutos, pasar deste tempo poderá significar a exclusión do concurso.

Durante a celebración do concurso poderán efectuarse gravacións e fotografías, incluíndo ás persoas participantes e asistentes, estas fotografías poderán ser utilizadas nos medios que o Concello de Vimianzo estime oportuno.

Ao remate do desfile as persoas compoñentes do xurado reuniranse para falar o resultado e comunicalo publicamente.

Para a selección dos premios o xurado terá en conta o pasarrúas, a representación ou actuación realizada durante o concurso, a orixinalidade e a confección dos disfraces.

Cada membro do xurado outorgará un máximo de 10 puntos a cada un dos criterios, outorgando un máximo de 30 puntos a cada unha das propostas.

O xurado deberá escoller os seguintes premios:

- 1º, 2º e 3º premio de comparsas
- 1º, 2º e 3º premio de grupos
- 1º, 2º e 3º premio de parellas
- 1º, 2º, 3º premio individual infantil



- 1º, 2º, 3º premio individual adultos

O xurado deberá emitir unha acta coas valoracións e a proposta de gañadores, no modelo que lle será proporcionado polo Departamento de Cultura, e deberá ser asinada por todos os membros do xurado presentes no acto.

Á vista da acta, a Alcaldía resolverá o outorgamento dos premios.

8º.- Xurado.

O xurado estará formado por representantes dos medios de comunicación da Costa da Morte. O xurado elaborará unha acta na que conste a resolución de disfraces premiados no concurso, asinada por todos os membros.

A Secretaria de actas será a técnica de Cultura e non terá dereito a voto.

9º.- Premios.

1. Establécense os seguintes premios:

COMPARSAS	1º premio: 1000€ 2º premio: 500€ 3º premio: 200€
GRUPOS	1º premio: 300€ 2º premio: 200€ 3º premio: 100€
PARELLAS	1º premio: 100€ 2º premio: 75€ 3º premio: 50€
INDIVIDUAIS INFANTÍS	1º premio: 60€ 2º premio: 40€ 3º premio: 20€
INDIVIDUAIS ADULTOS	1º premio: 100€ 2º premio: 75€ 3º premio: 50€

O xurado reservarase o dereito a declarar deserto algún dos premios se considera que os/as participantes non reúnen a calidade precisa.

10º.- Pago dos premios e requisitos dos gañadores.



O pago dos premios efectuarase con posterioridade ao concurso, a través de transferencia bancaria. A estes efectos, o Concello requirirá ás persoas gañadoras a documentación imprescindible para poder efectuar o pagamento(certificación bancaria e poder de representación para asociacións).

O aboamento dos premios realizarase a nome da persoa que formulara a solicitude de participación.

Os premios estarán suxeitos á retención do IRPF correspondente.

Antes do pago deberá acreditarse que a persoa gañadora non ten débedas coa Seguridade Social, AEAT ou co Concello. A estes efectos, a presentación da solicitude de participación implica a autorización ao Concello para comprobar de oficio estes extremos nas Administracións correspondentes.

11º.- Concurso deserto e exclusións.

O xurado poderá declarar deserto calquera dos premios en caso de que considere que ningunha das propostas presentadas acada un nivel de calidade mínimo.

A organización e o xurado poderá descualificar en calquera momento do proceso, aqueles disfraces que incumpran as normas recollidas nestas bases.

O xurado poderá excluír do concurso a aqueles participantes que se comporten indecorosamente ou exhiban condutas que poidan considerarse ofensivas, vexatorias ou de mal gusto, tanto cara ao público como cara á organización.

12º.- Normativa reguladora e interpretación.

As bases reguladoras rexeranse, ademais de polas normas expresadas na mesma, pola Ordenanza xeral de subvencións do Concello de Vimianzo; pola Lei 38/2003, de 17 de novembro, Xeral de Subvencións, nos preceptos que constitúen lexislación básica do Estado, de acordo co disposto na súa Disposición final 1ª; a Lei 9/2007, do 13 de xuño, de subvencións de Galicia, en todo o demais; o Real decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións; a Lei 39/2015, de 1 de outubro, do Procedemento Administrativo Común das Administracións Públicas e demais normas de dereito administrativo e, no seu defecto, aplicaranse as normas de dereito privado.

Compete ao órgano convocante a prerrogativa de interpretar as bases e convocatoria.

Corresponderá ao presidente do xurado resolver calquera circunstancia non prevista nestas bases e que poida alterar o normal desenvolvemento do concurso.

A participación no concurso supón a aceptación destas bases, sobre as que, diante de calquera dúbida, prevalecerá a resolución que adopte o xurado, por maioría simple dos seus membros. O incumprimento das bases suporá a descualificación no concurso. En contra das decisións do xurado non caberá ningún tipo de recurso.

As presentes bases e os premios concedidos aos beneficiarios, serán publicados na plataforma da Base de Datos Nacional de Subvencións (<http://www.pap.minhap.gob.es/bdnstrans/index>).

13º.- Autorizacións.



A presentación das solicitudes supón a aceptación íntegra da bases reguladoras e das condicións, requisitos e obrigas contidas nela, e ademais implica polos participantes a aceptación incondicionada das seguintes cláusulas:

a) A autorización ao concello para a publicación na páxina web, redes sociais e publicacións da súa titularidade do nome e apelidos dos concursantes e premiados, así coma fotografías e vídeos dos mesmos nos actos de entrega de premios ou na participación no acto obxecto do concurso.

a) A publicación dos datos persoais dos premiados e importe dos mesmos na Base de Datos Nacional de Subvencións de conformidade coa lexislación vixente.

b) Consentimento inequívoco ao tratamento de datos de carácter persoal e a súa publicación de acordo co previsto na Lei 3/2018, de 5 de decembro, de Protección de Datos de Carácter Persoal e Garantía dos Dereitos Dixitais. Os datos persoais obtidos neste procedemento serán tratados, na súa condición de responsable, polo Concello de Vimianzo coa finalidade de levar a cabo a tramitación administrativa que derive da xestión deste procedemento. O tratamento dos datos baséase no cumprimento dunha finalidade de interese público. Con todo, determinados tratamentos poderán fundamentarse no consentimento das persoas interesadas. Os datos serán comunicados ás administracións públicas no exercicio das súas competencias, cando sexa necesario para a tramitación e resolución dos seus procedementos ou por obriga legal. As persoas interesadas poderán exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica do Concello de Vimianzo ou presencialmente nos lugares e rexistros establecidos na normativa reguladora do procedemento administrativo común.

14º.- Restricións sanitarias.

En todo momento deberán respectarse as restricións vixentes en materia de prevención do COVID-19, así como as instrucións que poda emitir a organización ao respecto.

Vimianzo, 8 de febreiro de 2023

A alcaldesa
Mónica Rodríguez Odóñez”

O secretario xeral indica que na proposta da Alcaldía non consta á parte resolutiva de aprobación da convocatoria e das bases.

Visto canto antecede, a Xunta de Goberno Local, por unanimidade dos membros presentes, ACORDA:

PRIMEIRO.- Aprobar a convocatoria e as bases que rexerán o concurso de disfraces do entroido 2023 e que constan transcritas na proposta da Alcaldía.

SEGUNDO.- Proceder á publicación das bases no Boletín oficial da provincia.

TERCEIRO.- Remitir á Base de Datos Nacional de Subvencións a información requirida para a remisión por ela ao BOP do extracto da convocatoria e publicación na mesma Base de Datos, de acordo co artigo 18 e 20 da Lei 38/2003, Xeral de Subvencións.



CUARTO.- Comunicar o presente acordo aos departamentos municipais afectados para o seu coñecemento e efectos oportunos.”

E para que conste, asino o presente certificado, coas limitacións do establecido no artigo 206 do RD 2568/86, do 28 de novembro, polo que se aproba o regulamento, organización, funcionamento e réxime xurídico das entidades locais, co visto e praxe da alcaldesa.

Visto e praxe
A alcaldesa
Mónica Rodríguez Ordóñez